

Makitibi ki Judi ndangi

Ta ki dɔ makitibi ti ki Judi ndangi

Makitibi lə Judi kin, ndangi adi njé kaw-naa je ki lo madi ti gin kare be par al, nə ndangi adi dije pəti ki njé kun go Kirisi. Ta ki me makitibi ti kin aw naa ti ɓasi ki makitibi ki kɔ joo ki Piyər ndangi (2Pi. 2). Makitibi lə Judi əi ki Makitibi ki kɔ joo lə Piyər joo pu rəi ki dije ki njé ndo nɛ ki majal. Dije kin dəw a gər-de ki rəbi kaya rade.

Go kilə ngirə ta ti (1-2), nje ndangi makitibi ilə jine ki tɔgine kəm njé njiyə taa ki nɛ ndo ki ngom ti, ki turi dan njé kaw-naa je ti, ɓa əl-de adi gəri təkɪ ta ki gangi ki bo to isi ngəm-de noo (3-16). NGa ningə, dam ti lə njé kadi-me je ɓa, Judi dəji-de kadi ai dɔ njade ti me kadi-me ti (17-23). Go ti, tɔl ta makitibi ləne ki kilə tɔji dɔ Luwə ti ki e ki karne ba par ə e Luwə. Luwə ki e nje kaji dije ki go rəbi lə Jəju Kirisi (24-25).

Kin ə re makitibi kin tɛɛ ki gin tɔgi ta ki ngom ki e nɛ ki dəw a maji al ɓa, ilə jine maji ngay dɔ tɔgi ti əi ki nɛ kində me dɔ ti ki njé kun go Kirisi ingəi ki rɔ Luwə ti, me tɔ Jəju Kirisi ti ki rəbi lə NDil Luwə kin (20-21).

Kuwə ji-naa

¹ Mi Judi, ɓəə kilə lə Jəju Kirisi, ki mi ngokɔ Jaki[☆], ə m-ndangi makitibi kin m-adi səi ki Luwə ɓar səsi, ki

☆ **1:1** Mt 13.55; Mk 6.3

Bawje Luwə ndigi səi, ki Jəju Kirisi ngəm səsi tə ne ləne kin.

² Ningə kadi koo kəm-to-ndoo, ki lapıya, ki ndigi-naa lə Luwə to mbar mbar ki dəsi ti.

Njé ndo ne je ki ngom

³ Njé ndigi je ləm ki ngay, m-ndingə ngay kəte kadi m-ndangi makitibi madi səsi ɔji dɔ kaji ki j-əi kare ba dɔ ti kin. Ningə ki basine kin, e tɔgi madi ki isi dəm ti kadi m-ndangi makitibi kin m-adi səsi, m-ilə-n dingəm mesi ti kadi irəi dɔ kadi-me ti ki Luwə adi dije ləne nja kare ba par goe gangi kin.

⁴ M-əl be mbata dije madi ki ta ki gangi ki dɔde ti e ki ndangi me makitibi ti lə Luwə kəte nu kin, turi dansi ti, isi mbiri ta me-maji lə Luwə kin, təli-e ta ra kaya ti ləde, taa mbati dəw ki e karne ba ə e Nje kun dɔje, ki e Bəbe ləje Jəju Kirisi kin tɔ.

⁵ M-gər kadi igəri ne je pəti maji, nə m-ndigi kadi m-ole mesi dɔ ti təkı, loki Bəbe tɛɛ ki dije ləne be bəə ti Ejipi ti, go ti, tɔ ko njé je ki rai rɔde tə njé me ngə je[☆].

⁶ Ningə m-ndigi kadi m-ole mesi dɔ ti bəy təkı, malayka je ki ai dɔ tɔgi ti ki Luwə adi-de kin al, nə mbati lo kiside, Luwə uwə-de dangay ti lo ti ki koo, dɔɔ-de ki kulə gindi ki kadi a toi bitı ki nɔ ti, mbata ta ki gangi ki boy ki a re.

⁷ E be tɔ ə, Sodom ki Gomər[☆] ki be je ki gəi gidide, ki uni rɔde iləi me kaya ki ra ti, kae ti lə malayka je wa ka kin tɔ, adi sangi-naa ki lo sangi ti al kin, Luwə uwə-de dangay ti me por ti ki a to bitı ki nɔ ti. Ningə e kin e ndəji-naa ki to mbata lə dije pəti.

☆ **1:5** Tɛɛ ki taga 12.51; Kər Isirayəl je 14.29-30 ☆ **1:7** Kilə ngirə ne je 19.1-25

⁸ E be ə, njé ndo ne je ki ngom ka kin, me do majal ti lađe, buri ki rođe, kidi togi la Luwə, taji malayka je ki əi ne piti je.

⁹ Ne kare, Misəl ki nje kun do malayka je✧, loki isi naji-naa ta ti ki su, isi kəli-naa do nin Moji ti kin ka✧, sangi kadi n-gangi ta madi tə ne taji dəe ti al, nə ta ki əl 6a, əl ə nə: «Kadi Babe indəi oji✧.»

¹⁰ Nə dije ki njé ndo ne ki ngom kin, ne ki gəri-e al ka taji-e, nga ningə, ne gər ki ojii-de tə yə da je be par kin 6a, e ne ki kadi tuji-de tə tuji yo.

¹¹ Tuji e dode ti, tado uni rəbi la Kay✧; mbata la la ə uri wale tə Balam✧ be; tuji tado təi rə tə Kore✧ əi ki dije ləne be.

¹² Kisiđe səsi ta ne kuso ti la ngakonaa je, ra adi ne kuso ləsi təl ne ki to nje. Usoi je ayi-naa je adi asi-de ki kanji rəsəl, goi ta tide əi je wa. Toi tə kil ndi ki nəl ər-e aw sie adi lo kadi ədi goto kin be, toi tə kagi je ki nay kandidate ti ka andi al, adi loki daw ər-de ki ngirəde ba kə 6a, təli oyi koy ki kə joo kin be.

¹³ Naji kilə rade je ki to rəsəl ki taga tə pungi ba ki buki pulumne ngangı ba ti kin be. Taa toi tə mee je ki gəri lo kawde al, ki lo ki ndul kururu to mbata lađe bitı ki no ti kin be.

¹⁴ E əi je ə nje kal ta ki ta Luwə ti Enoki✧ ki e kaje ki nje kə siri go Adam ti ndo ndil dode ti ə nə: «Oi, Babe a re ki malayka je dibi kuti bay bay,

¹⁵ kadi gangı ta ki bo do dije ti pəti. A uwə njé ra majal je pəti dangay ti oji-n do kilə rade je ki majal

✧ **1:9** 1Təsa 4.16; Daniyəł 10.13, 21; 12.1; Ntd 12.7 ✧ **1:9** Dətarənom 34.6 ✧ **1:9** 14-15 ✧ **1:11** Kilə ngirə ne je 4.3-8 ✧ **1:11** Kər Isirayəl je 22.1-35 ✧ **1:11** Kər Isirayəl je 16.1-35 ✧ **1:14** Kilə ngirə ne je 5.18, 21-24

pəti ki rai əsii ta Luwə, taa əji-n dɔ ta je ki to kəl al pəti ki əli dɔ Luwə ti tɔ.»

¹⁶ Əi dije ki rənəl ləde goto, isi ɓai ta ki dəkagilo je pəti. Rai ne je ki mede ndigi, ta ki isi tee tade ti e rɔ ki kəji, ningə re o-de isi toi dəw pe pe kin ɓa, e kadi ingəi ne ki to soti ki darɔde rɔ dəwe ti kin.

Ta kəji ki rɔ njé ndole go Kirisi ti

¹⁷ NGa ningə, ki əji dəsi, səi njé ndigi je ləm ki ngay, m-dəji səsi kadi adi mesi ole dɔ ta ti ki njé kaw kilə je lə Babe ləje Jəju Kirisi əli səsi kəte nu kin.

¹⁸ Əli səsi əi nə: «Dəkagilo ki dɔbəy ti ə a ingəi dije ki a ɪbəi səsi kogii nim, a njiyəi ki go ndigi ra ti ki majal ki mede ti nim tɔ.»

¹⁹ Kadi igəri, e əi je ə əi njé re ki gangi-naa. Ningə mər ta je ləde e mər ki go darɔ ti, ɓi e mər ta ki j rɔ NDil Luwə ti al.

²⁰ Nə səi, njé ndigi je ləm ki ngay, m-dəji səsi kadi adi ngirə kisi ki dɔ taa ləsi e dɔ kadi-me ti ki rəjeti ləsi kin. Əli ta ki Luwə ki tɔgi NDile.

²¹ Ningə kadi uwəi tɔgisi ba me ndigi ti ki Luwə ndigi-je. Uwəi tɔgisi ba inginəi ta Babe ləje Jəju Kirisi ki me me-maji ti lie, a adi səsi kaji ki biti ki nɔ ti kin.

²² NJé ki mede isi təsi, maji kadi oi kəm-to-ndoo ləde.

²³ Aji-de ki rəbi nagı ta por ti taa. NJé ki rangi ɓəy, maji kadi oi kəm-to-ndoo ləde, nga ningə oi rəsi maji kadi ɪlati rəsi ki kilə rade je ki majal kin al, nə kadi əsi kilə rade je ki majal ngərangi. Jsi ngərangi, biti kadi kibi rɔde ki kilə ki go darɔ ti təl-e ne ki to njé ti kin ka kadi əsi ngərangi ɓəy.

Kilə təji dɔ Luwə ti

24-25 Kadi kilə təji e ki də Luwə ti ki e ki karne ba ə e Luwə, e ki asi kadi ngəm səsi adi osi me majal ti al, e ki kadi a ra adi iteēi rəi me kunje ti ki rənəl ki kanji yoro, e ki aji-je ki rəbi lə Bađe ləje Jəju Kirisi kin. Ningə kadi təba, ki kəti bəl, ki təgi, ki kəbe, e lie, dəkagilo ti ki də, ki dəkagilo ki bəne, ki dəkagilo ki a re biti ki nō ti! *Amen.

KĒLƏ-MĪNDĪ KĪ SĪGĪ

New Testament in Bedjond (CD:bjv:Bedjond)

copyright © 2011 Wycliffe Bible Translators, Inc.

Language: Bedjond

Translation by: Wycliffe Bible Translators, Inc.

Copyright Information

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Bedjond

© 2011, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2021-11-01

PDF generated using Haiola and XeLaTeX on 18 Apr 2025 from source files
dated 29 Jan 2022
a4f34a03-c89e-55e0-bc3f-22f7829df823